

Desaparecen as laxes gravadas con textos do escritor Carlos Casares do Paseo de Panxón.

Escrito por Redaccion @valminorinfo
Xoves, 26 Xuño 2014 00:48



Onde están as laxes gravadas cos textos de Carlos Casares? A pregunta está en boca dos veciños e visitantes que trala recente apertura do paseo marítimo de Panxón non logran atopalas. Espalladas no chan formaban un conxunto cultural co monólito que lembra a Casares no inicio do paseo. As pezas formaban parte dunha homenaxe do Concello de Nigrán
ao [senlleiro escritor e xornalista](#)
[ourensán](#) que residira por
moitos anos en Vilariño e cuxos restos descansan dende 2002 no cemiterio de San Fiz. Nin a Xefatura Provincial de Costas
[que cambiou o pasado mes as antigas laxes do paseo por baldosas](#)
, nin o Concello de Nigrán deron ata de agora unha explicación pública do retiro e o destino final das mesmas.

O conxunto inaugurado en 2003 permitía un percorrido diferente polo paseo moi apreciado por veciños e visitantes. A medida que se avanzaba cara o porto, podíase alternar as fermosas vistas marítimas co descubrimento de fragmentos das obras do escritor. Agora quieren saber si poderán volver a facelo.